

大實業家唐公景星傳

招商局一日尙存

公之精神一日未死

一事業之創建。能成立至數十年數百年。其始必有主幹之人。剴心絞腦。殫精竭神。爲之經營擘畫。其人又必有宏遠之識。縝密之思。堅強不屈之氣概。勞苦不疲之體力。迺能有所成就。當其未成。則峨冠拖紳。所謂縉紳之流。相與非笑揶揄。詆譏沮尼。以敗其成。及成效稍著。則又攘臂捷足。陰謀巧計。以診奪之。診奪之不得。則流言中傷。謗書騰毀。或故掣其肘。以壞其事業。或陽爲交驩。以肆其狡毒。極傾軋排擠之能事。良平所不能謀。孫吳所不能策。務使主其事者。辱身降志。灰心短氣。不及觀成而去。其或強毅忍耐。不輕言去者。則其結果必困頓慘辱。爲禍益慘。嗚呼。事之不成。辦事者之過也。事之既成。辦事者之過尤重。而享其利安其名。夤緣爲子孫計者。迺多爲旁觀非笑捷足攘奪之縉紳先生。勞人歎息。懷貞自沈。自昔然已。吾讀招商局之歷史。得悉唐公景星之事實。迺低徊慨歎。不能自己焉。公諱廷樞。字景星。粵縣人。幼時肄業於香港皇家書院。習旁行文。卒業後爲香港巡理廳委員。繼以族叔命至福州。理隆順洋行事。又至上海經理怡和洋行。爲外商司營運。當時人皆謂榮。公獨鬱鬱不自得。時天津條約初訂。外國商船駛行內港。汽輪勃興。於是江海航運。漸爲外商所壟斷。吾國沙甯船隻。舊有三千餘號。逐減至四百號。汽輪始惟英公司一號。後增至百號（節錄招商局招股啓）直督李鴻章慨焉憂之。以漕運委員朱其昂薦。委公辦招商局事。以總辦兼商總。朱之薦賢不忘。李之知人善任。由今思之。瓊乎尙已。公受任後。精心規畫。購船置產。首在津滬建立棧房碼頭。百事草創。絕無師承。公經之營之。定行船章程。創自保船險制。今猶仍之。時招商局最感困難者爲資本

缺乏。與外商競爭二事。公以平素信用。招來商股於風氣閉塞時。居然得銀四十餘萬。乃得稍稍擴充。添設各分局遠及於日本南洋諸埠。兩年之間。規模粗立。前清同治十三年第一屆結賬。頒發股息。添招新股。外商忌之益甚。低減運率。使招商局無以自存。李鴻章百端調護。撥官本以接濟。藉漕運爲津貼。亦賴公調度應付。洞識機宜。注重長江甯波航綫以挫外商之銳。招商局未辦時。外商航輪公司股票值銀百兩者。至是低至五六十兩。其領袖旗昌洋行雄視我國海運。十餘年後卒歸併於招商局。基礎大定。其間運籌作戰。公力爲多。而李鴻章沈葆楨奏撥公款。力助其成。亦以信公之有素也。光緒三年。與太古怡和訂同盟議約。運率一致。所謂三公司議約者。今猶未廢。於是外商競爭稍弛。光緒六年手定總局章程一百三十二條印行之。爲之序曰「欲求其法先周覽外國書之涉輪船者。譯而出之。然後參以中國之所不同。時異因乎時。地異因乎地。博采衆論。務求一是。本局之總綱總目。以及行船所宜忌。都爲一百三十二條。並附航務之道。現行利弊。大略殆括於此。創始之難。計畫之劬。就其序言約畧可見。今日視此章程。大略推輪。不免疏簡。然當初尙有定章。近年乃并定章而無之。泯泯紛紛。爲世譏詬。後人之失視公愧矣。公銳志擴大招商局。光緒九年去國考察。遍歷美歐。因華工事留巴西尤久。慨然有局輪遍航世界之意。及歸適法越事起。局務中衰。公於行時。屬戚梁某處私務。梁負之。累公並涉局款。公清理後。離局去。李鴻章委公專辦開平煤礦。爲運煤便利計。創建鐵道三百餘里。達於天津。爲京津鐵道嚆矢。鑛利日著。後事拳亂爲英人佔領。則公已不及見矣。在唐山創設洋灰公司。今之啓新卽其遺業。又辦建平承平兩金礦均著效。尤瑩瑩可記者。爲稟請派生往美國留學。費由北洋給。我國留學生之創始。實發源於公。而世鮮知者。此不可不詔告世人者也。公卒於光緒十八年。招商局追念舊功。贈卹家屬銀一萬五千兩。嗚呼薄矣。我國之有招商局。閱五十有六年。危而得存。顛而不僵。實賴始基雄厚。經種種之侵殘剝削。尙歸然留此魯靈光殿。使我國航運業得假手爲復興之機。此始基者誰歟。偉矣唐公。招商局一日尙存。公之

精神一日未死。經五十餘年後。尙有奮筆鼓舌爲公發潛德鳴不平者。志士不可爲而可爲。後之有志事業者。弗以環境區區之得失。而輕爲愉戚也。

外蒙共和國之鳥瞰

經濟勢力握於蘇俄

中國商人幾難立足

世界新聞社云。在蘇俄宰割下之外蒙共和國。其人口及國富等。據最近調查如左。

人口 總人口六七六・〇三六。其內包括蒙古人五七九・〇〇〇。華人七七〇・〇〇〇。俄人九・〇〇〇。人口之分布狀態。城市地方人口僅佔全人口百分之二十一。城市住民多係華人及俄人。蒙古人在城市營住者。不過佔全人口百分之十。其餘百分之九十。仍係游牧人民。

家畜 外蒙之財富。以家畜爲要素。全國家畜現數如下。

馬一・三三九・八二九。駱駝二七四・九八一。牛一・五一二・四一四。羊一〇・六四九・一九七。共計一三・七七六・四二六。

上述家畜數。係一般平民所有者。至喇嘛階級所有家畜。爲數極多。爲避免國稅起見。守秘不宜。故家畜總數。無從詳考。家畜爲外蒙共和國之唯一產業。故外蒙政府特設種種辦法保護之。家畜衛生管理局。在政府各部中最占重要。財政 自一九二四年以來。外蒙政府始有所謂預算。近年來預算總額大增。歲入中最主要者爲關稅。稅制係從價稅法。近來宣布保護貿易條例。對外國輸入物課以重稅。至貨幣制度 在一九二五年以前。以家畜及茶葉爲交易之媒介品。